

אֲשֶׁר יִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה'



3 MOSHEQ

אֲשֶׁר יִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה' וְיִשְׁמַע אֶת ה'



B.C. 1706

MUT MO GYO E U LE, ABRAHAM E YHANGSHU YAKUP GI, YHANG E YUQZO RAXE I YUQ EQ HAU BANG E ZODU WUI BANSHOQ EQ DUI-NHANG ZOSHANG WUI LE EGUDUQ MING MA LO SHUI NYI RI. YHANGMOQ GI, EGUDUQ MING MA, MYIDAM HTOQ MA E HPULHAU SUI YHANG MYO JAT LO BEKO NGHUT RI.

ISRAELAQ GA HTOT MYHING HUI E YAKUP E ZODU WUI GI, A MYANG MA, EGUDUQ BYU PE HTOQ MA MYO LO BEKO NGHUT RI.



EGUDUQ MING LE UP E SU PHARA-UQ GI, YAKUP E ZODU WUI LE JUN KUT MU, AWUI AHKE E MUZO NGHUT E TSOHTUNG HPUT HKYO LE ZIK KUT NHANG RI. HAU MA NYI E 300 ZAN LAI HTANG MA, YHANGMOQ GI, ABRAHAM EQ YHANGMOQ E IWA PE LE, GARAI GASANG BYI TO E DANGGIDIQ LE TOMYHI PYAM BEKO NGHUT RI.

GARAI GASANG GI, ABRAHAM LE, NANG E BYU PE GOMING MA GYO LE MU, HAU MA DUI-NHANG ZOSHANG WUI DUT KO RA NGHUT LHE GA TAI KYO RI. HAU HTOQ AGO, 400 ZAN LAI HTANG MA, HAU MAU BANG LE DAM BYI MU, NANG E BYU PE LE, DANGGIDIQ BYI TO E MAU SHUT DUM SHUI TALI LO RA GA LE, YHANG, DANGGIDIQ BYI TO RI.



NGO, NANG LE TENG E HKYO TAI KYO LHE! HPARA-UQ GI, NGA-NHUNG GYAI MYO LO E LE GYUQ LUI, NYHEQNU BANSHOQ LE SAT PYAM NYI RI. EGUDUQ BYU PE GI, WUM NYHOM LUI LAGON BUM AKO. NGA-NHUNG E BYU PE GI, MU HTAN ZUI LUI WUM BO BUM LHE. YHANGMOQ GI, NGA-NHUNG LE GYUQ AKO NGHUT RI.

YHANGMOQ GI, NGA E NYHEQNU LE SAT RA A NGHUT. GARAI GASANG, YHANG LE WU MAGUM RA NGHUT LHE.

HA! HPARA-UQ E ATSAM MO LE, GARAI GASANG HAI WO KUT RA LHU?



HKAKUT! NGA E NYHEQNU A NGHUT. NANG HAU SU A WO KUT.

HPARA-UQ GI, YUDAQ BYU PE GYAI MYO LO NYI E LE GYUQ MU, ASIK HKU E YUQGE ZO WUI LE SAT PYAM RA MATU MYIT HPYIT YU BE NGHUT RI.



NGHUT KOLHANG, ANU E, NGAME WUI E NYHEQNU HKA TO BEKO GA GYEZO PE EQ YHUMKYO BANG MYI KO JANG, NGO HKASU NGHU TAI RA LHU?

NANG, YHANGMOQ LE TENG E ZA TAI KYO AQ. HAU GYEZO PE HAI A WO KUT RA MATU, YHANGNU YHANG WUI MA DU KAT PYAM BE NGHUT RI NGHU TAI AQ.



B.C. 1525 ZAN KO MA

ANU E, HKYAK YHANG A DONG RA NGHUT LHE LHU?

BUHING MO EQ MANGHKOQ ZO LE HTUP TO LHE. HAU MU, MYU BYOM RA NGHUT LHE.

GU-NU LE, NGAME WUI DUM MYANG RA LHU? OH, EGUDUQ BYU SHI BANG GI LHI!

GARA GASANG, YHANG LE MAGUM RA NGHUT LHE. NANG, YHANG EQ A WE E MAI CHANG WU TO AQ.



HPARA-LIQ E BYIZO GI, WULANG MA GUNG LE CHI RI.

WU KEQ! MANGHKOQ MAI NGAU HTE HTOQ LO RI!



OH, YUNG DIK E A NGHUT LHI?

HEBRE BYU PE E NYHEQNU NGHUT RA NGHUT LHE.

YHANG ZOMUT RA ZA NGHUT BE.



YHANG LE NAU HUQ RA BYU MYANG HO E NGHUT JANG, NGO, YHANG LE HKU TO RA NGHUT LHE.

HE MA HEBRE ZO RAYUQ NYI TO RI. NAU HUQ RA BYU, YHANG SE LHE ABE.



NAU HUQ RA BYU NYI RA NGHUT LHE, NGO LO HO WU BA. YHANGZO LE WULANG MA DU HKYO PYAM E HEBRE MYI RAYUQ NYI LHE. YHANG GI, NAU GYAI HTOQ ASHI.



NANG, HALI HKYO ZA RU JOQ LHE. YHANG LE AYANG WO HAQ TO RA A NGHUT. HKA DONG NGHUT NGHUT, GYEZO PE MYANG HO MU, YHANG LE SAT PYAM RA ZA NGHUT LHE. NANG, GARAI GASANG CHYANG ZA LUM NYI LO AQ.

NGO HAI KUT BE LHU? NGA ZO LE GI, DUM MYANG RA LHU? GARAI GASANG GI, YHANG LE WU ZUNG RA LHU?

ANU, ANU!



ANU, HPARA-UQ E BYIZO WULANG MA LE MU, NGA GU LE MYANG LUI, YHANG LE HKU TO NAU MU, YHANG LE NAU HUQ BYU HO NYI RI! AHKUI, YHANG GI, SHI MA LE LO RI.

HALI AHTUM ABYUQ E GARAI GASANG GI, HKUNGSO WO NYI SHANG GAQ O!



NUNG ZO NYHEQNU A NYI LO GA E LE, NGOWO GYO MU, GYAI YHANG MYIT A NGON BYI. ZOSHANG SHI LE, NGO WULANG MA MYANG E. YHANG LE NANG NALI HUQ BYI AQ, NGO AHPAU BYI RA NGHUT LHE.

YHANG LE NALI KANG JANG, NGO LE SHUI YU MU, EGUDUQ MING E HPARA-UQ DUT NHANG RA NGHUT E HKOKHAM WANG MA SHUI LO RA NGHUT LHE. NGAMOQ, YHANG LE MOSHEQ NGHU MYHING RA NGHUT LHE.

YHANG GI, MOSHEQ KO LO NYI E U LE, YHANG WA PE E TENGMAN GARAI GASANG E HKYO LE MHOQ BYI RI. GARAI GASANG GI, YUQZO SHI YUQ E MATU AHKYA E HKYO HEN TO BYI BE NGHUT RI.



HKOKHAM ZO E, BYAM DOQ WANG AQ, NGA-NHUNG, HKOKHAM WANG MA JI LO RA NGHUT LHE.

YHANGMOQ HKA-I WO DIN LHE?

MOSHEQ LE NALI HUQ BYI E JEJU KO BE. YHANG GYAI WANGZAN RA SU DUT RI. YHANG GI, SUT GYAI WO, ATSAM GYAI BO SU DUT RA NGHUT LHE.



HPARA-UQ E BYIZO E YHANGZO DONG KUT YU HUI E NGHUT MU, MOSHEQ GI, EGUDUQ MING MA BYU MO DUT BE NGHUT RI. YHANG GI, SUT WO SU EQ ATSAM MO BO SU DUT RA NGHUT KOLHANG, YHANG O NGHUT E LE HKA-NHAM LHANG A TO-MYHI NGHUT RI.



MOSHEQ E, NGO, NANG LE TAI KYO LE, NGA-NHUNG E IWA PE NGHUT E ABRAHAM, ISAK, YAKUP E GARAI GASANG GI, ABRAHAM LE, YHANG E AWUT ASHIN PE MYO HTAM LO MU, YHANGMOQ E MAU A NGHUT JANG MA, BYU BING PE DUT KO RA NGHUT LHE GA TAI KYO RI. AHKUI, NGA-NHUNG GI, SHI MA NGHUT NYI BE!

NGHUT LHE, YHANG GI, HAU BYU BING PE MAU MA, NGA-NHUNG HOO ZAN YHANG WUIHKE JAMJAU HUI ZO RA NGHUT LHE GA LE, ABRAHAM LE TAI KYO ASHI NGHUT RI. NGA-NHUNG GI, 359 ZAN YHANG SHI MA NYI BE, MYIQTOTI DANG HAU LHOQ DIK RA MATU, 41 ZAN ZA RU RA ALONGHUT RI.

HAU GI, WO LUM RA SU A DUT NGHUT RI. HPARA-UQ GI, YHANG E JUN PE BANSHOQ LE, HKA-NHAM LE NHANG KAT RA A NGHUT, HAU MU, YHANGMOQ LE SUTZE MO EQ NHANG KAT RA GI, JE A GE DUT. NGHUT KOLHANG, HKYO JOQ ASHI ABE. HAI MU LUI, 41 ZAN YHANG LANG RA ASHI LHU?

HAU HTOQ AGO, NGA-NHUNG LE AGE ASHOP E DONG KUT E AMYU HAU LE, YHANG MAI DAM BYI MU, NGA-NHUNG GI, SUTZE MO WO E EQ, GARAI GASANG, NGA-NHUNG E IWA PE LE BYI TO E MAU MA TAU LO RA NGHUT LHE GA LE, YHANG GI, ABRAHAM LE TAI KYO RI.



HEBRE BYU E ZODU WUI GI, YHANGMOQ E YHUMSING WUI ZIK E A-O MA GYAI YHANG WUIHKE JAMJAU NYI BUM AKO. YHANGMOQ GI, GAPO NYAQ MA WANG MU, TSEHTUNG HPUT E MU SAI RA DUT AKO. MOSHEQ GI, HAU BANG JAMJAU E LE A WO WU TO MU, RAJUNG JUNG KUT RA MATU MYIT HPYIT YU BE NGHUT RI.

YHANG A BAT SAT SHIMA HAN TOQ AQ!

ACHAQ ACHYUT E WAQ NANG, TOQ AQ!

EBER, TOQ AQ.



RANYI LE, MOSHEQ GI, YHANG E BYU LE EGUDUQ BYU RAYUQ EQ GYAI YHANG RHOI BAT BAT NYI E LE MYANG RI.

HKYI XE YUQ HKYING JE RA NGHUT LHE. HAU HKUN, SHI HKYO NO BYUQ RA NGHUT LHE.



BUNG!

SHI SU HKA-NHAM LE A WO KUT!

MOSHEQ GI, EGUDUQ BYU HAU YUQ LE SAT PYAM MU, MYHUP PYAM RI. NGHUT KOLHANG, RAYUQ YUQ EQ MYANG PYAM MU, HAU HKYO LE HPARA-UQ CHYANG LO SHIT KYO RI.



OH, GARAI GASANG E, NGO HAI KUT SHUT BE LHU?

YAP AQ, NANG GI, BYU SAT E YANMAI JEYANG E HUI RA LHE!

MOSHEQ NGHUT RO!



B.C. 1491 KO MA

MOSHEQ GI, EGUDUQ MING MAI HTOQ MU, YOSO SHUT HPANG E LO BE. YHANG GI, YHUMBYU EQ BUINUM AUZO WUI LE A BO E ZA YHANG BAU NGHUT NYI RI. YHANG GI, YHANG E BYU PE LE A HKYI YU NGHUT RI. YHANG GUNG YHANG LHANG A WO HKYI YU NGHUT RI.



MOSHEQ GI, BUINYI MYANG MYANG HKYO SO BE NGHUT RI. YHANG GI, A WO SO XOQ E LO E HKUN, SAU REM JANG LE MYANG KAT BE NGHUT RI.

WU KEQ!
BYU RAYUQ!

YHANG SHI
LO RA SU DUT RI.
WUI YU LE AQ.

YHANG GI,
EGUDUQ BYU
NGHUT RI.



MOSHEQ GI, MIDIAN BYU PE E GYORO MA ASAK SIK DUI HKYO MYANG HO BE NGHUT RI. YHANG GI, YOSO MA E NYI YAP HKYO MHOQ YU MU, MYI HANG LUU, SAU ZUNG SU DUT BE NGHUT RI. MYIXE ZAN LAI LO MU, EGUDUQ MING HKYO LE GI, A LUM MYITBLUN LO NGHUT RI. YHANG GI, YHANG E BYU PE LE DUM MYANG RA A NGHUT LO GA MYIT PYAM RI.



HE GI, MAUHPO YHANG NGHUT RO! MHANPLING HAU MA MYI HKASU DAP E LAQ? HAI MU, MHANPLING HAU A NYE GYO PYAM E LAQ? XOQ XOQ RU JANG NYE DUQ NYI RI.



MOSHEQ, NANG E HKYITSUNG HKYUT PYAM AQ. NANG GI, CHYOIYUNG MYIGUNG MA YAP TO E NGHUT RI. NGO GI, NANG E IWA PE NGHUT E ABROHAM, ISAK, YAKUP PE E GARAI GASANG NGHUT LHE.



NGO GI, EGUDUQ MING MA NGA E BYU PE HPUZO NYI KO E LE MYANG MU, YHANGMOQ KYUDUNG E HTE LE WO GYO BE. AHKUI GI, YHANGMOQ ZIK ZO ZIK SHUQ HUI NYI E MAI HKYI HTOQ YU LUU, YHANGMOQ E IWA PE LE BYI TO E DANGGIDIQ MAU MA YHANGMOQ LE SHUI LO RA AHKYING NGHUT BE.


NGO GI, NANG LE HPARA-LIQ CHYANG NHANG KAT RA NGHUT MU, NANG GI, NGA E BYU PE LE YHANGMOQ E JUN PYAT MAI SHUI HTOQ LO RA NGHUT LHE. NANG GI, YHANG LE, NGA E BYU PE LE LO NHANG AQ GA TAI KYO RA, NGHUT KOLE, YHANG GI, LHOM HE-NGIK PYAM RA NGHUT LHE. HAU HKUN, NGO GI, NGA E ATSAM LE EGUDUQ MING MA SHIT RA NGHUT LHE. HAU HTANG MA, YHANG GI, YHANGMOQ LE LO NHANG RA NGHUT LHE.



NGHUT KOLHANG,
NGO LE NANG NHANG
KAT E HKYO LE,
YHANGMOQ LHM JING
KO RA A NGHUT.
YHANGMOQ WUIZUI KUT
PYAM BYI KO RA
NGHUT LHE.



NANG E
DUMBANG LE
MYIGUNG MA DU
HKYO KAT AQ.



HAI JUNG?
NGA E
DUMBANG O!



MUIDUQ
HTAN E
LHANGMUI
DUT BE O!



LHANGMUI
SHOMYI MA
ZUI MU GIUQ
TOQ KAT AQ.



NGA E
DUMBANG
DUM DUT
BYUQ BE!



EGUDUQ MING SHUT
E AQ. NGO GI, NANG
HAI TAI RA LE MHOQ
BYI MU, NANG HAI KUT
RA LE TAI KYO RANGHUT
LHE. NUNG MANG
ARON, NANG LE GARUM
YU RA NGHUT LHE.

B.C. 1445



AHKUI GI, 40 ZAN LAI BE. NGA E HKYO LE SE E BANG BANSHOQ SHI BYUQ BE. NGO LE O YUQ LE LHOM WU SE RA A NGHUT LO.

GARAI GASANG E BYU PE LE HPARA-UQ NHANG KAT E HKUN JE SHOQ LO NYI RA NGHUT LHE.

NANG GI, EGUDUQ MING SHUT TAU LO RA! NGHUT KOLHANG, NANG LE SAT RA MATU CHANG HO BANG LE HKASU KUT RA LHU?


HA LE, NANG HKA-MYHANG LO NYI BYUQ RA LHU?



SUWUN WUI BANSHOQ LE RAHA JI TSING TO KEQ! HKYI YU RA AHKYING JE BE NGHUT RI!

YHANGNHK GI, O PE NGHUT AKO LHU?

HE YUQ GI, LEWIQ BYU ARON NGHUT RI. MHO YUQ GI, NGA-NHUNG SU DUT RI, NGHUT KOLE, YHANG GI, JUN A NGHUT.



MOSHEQ GI, LAI LO BE 80 ZAN MA, NYHEQNU YUQZO BANSHOQ LE HPARA-UQ EQ SAT PYAM NYI E HKUN HKU E SU NGHUT RI. YHANGNU GI, YHANG LE MANGHKOQ MA KAT MU, WULANG MA E HAQ PYAM E NGHUT RI. NGHUT KOLHANG, GARAI GASANG LAJANG BYI E EQ RAJUNG ZA, HPARA-UQ E BYIZO GI, MOSHEQ LE MYANG MU, EGUDUQ BYU RAYUQ DONG BAU KO RI.

LAI LO BE 40 ZAN MA, MOSHEQ GI, EGUDUQ BYU PE SU UP ZO NYI RA MALAI, YHANG E BYU PE EQ WUI HKE JAMJAU HUI ZO NYI RA LE HKYI YU RI. LAI LO BE 40 ZAN GYORO MA, YHANG GI, NGA-NHUNG E IWA PE LE GARAI GASANG DANGGIDIQ BYI TO E MAU YOSO MA NYI LAI BE NGHUT RI. SHI GYORO MA, GARAI GASANG GI, YHANG LE HTOQ SHIT MU, HPARA-UQ LOQ MAI HKASU KUT HKYI YU RA HKYO TUN SHIT RI. AHKUI, MOSHEQ GI, HPARA-UQ CHYANG E MU, NGA-NHUNG LE HTOQ LO NHANG RA NGHUT E LIMIK KULHA LE, NUNGMOQ CHYANG TUN SHIT RA NGHUT LHE.

ISRAELAQ BYU PE E NHIK BO SUWUN WUI BANSHOQ BANG E, CHYANG LE LO KEQ.




ABRAHAM E GARAI GASANG GI, MYI DUQ NYI E MHANPUNG MAI NGO LE HTOQ SHIT MU, NGA-NHUNG E IWA PE E MAI MA NUNGMOQ LE SHUI TAU LO RA MATU, NGO LE NHANG KAT E NGHUT LHE. SHI LIMIK KUMLHA LE WU KEQ.



NGA NU EI YHANG E DUMBANG GI, LHANOMUI DUT BYUQ BE O.

HKAGYUQ KO.



SHI LE WU KEQ.



GARAI GASANG GI, HKYI YU SU NHANG BYI BE NGHUT RI.

NGHUT RO, HAU HPARA-UQ LE DAN NHANG BERA.

AHKUI, NGANHIK HPARA-UQ LE E TAI BERA.

LAKLAI MAUHO YHANG O!

ABRAHAM E GARAI GASANG!



NGO HO ZAN HTOQ
LO BYUQ KOLHANG,
HTAI BYUQ E HKYO HAI
A JOQ NGHUT RI. NGO,
NANG LE TAI KYO E EQ
RAJUNG ZA TAI RA LE
HKA TO-MYHI.



ISRAELAQ BYU PE E
GARAI GASANG, MOSHEQ LE TAI
RI. NANG GI, ISRAELAQ BYU PE, E
NOQKLUQ RA EQ HKUNGGA E NHONG
BYI RA MATU, SUM NYI SO E YOSO
MA E NHANG RA DUT LHE GA,
GARAI GASANG TAI RI.

HA! ISRAELAQ BYU PE E
GARAI GASANG? HA HA HA HA,
NUNGMOQ E GARAI GASANG LE NGO
A SE. NGO, YHANG E JINO GYO RA
GARAI GASANG GI, O YUQ WA NGHUT
LHE LHU? HAU GI, WUIZUI HTUQ
YHANG NGHUT RI. NGO GI, NGA E
JUN PE LE, SUM NYI SO E YOSO
MA A E NHANG.

NGA E BYU PE E MYIT A ZIM SHOQ
NANG TAI MU, YHANGMOQ LE MUZO MAI NO
NHANG E HKYO LE, NGA WO GYO BE. HAU HTOQ
AGO, YHANGMOQ GI, NGO LHAND A SE E GARAI LE
E NOQKLUQ RA MATU SUM NYI HTOQ E NALI NYI
BEKO. NGO GI, YHANGMOQ LE MU HTAN JE
ZUI NHANG RA NGHUT LHE.

AHKUI MAI GI, TSEHTUNG
HPUT RA HKOWA LE YHANGMOQ
YHANG HO YU KO SHANG GA. AHKUI,
NGA HI MAI HTOQ MU, NUNGNIHK HKA
MAI LE LO LE, HKA-MA DUM
TAU LO KEQ.



BYU NA DANG LE GE LUMJING RA LHU?

WUIZUI A NGHUT LUQ. YHANG NHIK YHANG GI, GARAI SU NGAM AKO LAQ.



NLUNGNHIK LHOQ PAN RA GA NGAMOQ LE TAI KYO E BANSHOQ GI, NGAMOQ E MATU WO I TU JAT BYI E NGHUT RI. HAU GI, HKYI YU HKYO A NGHUT. HAU MU, NLUNGNHIK LE GARAI GASANG EQ NHANG E SU NGAM AKO LHU?

YHANG GI, NGA-NHLUNG HTOQ JE GYALU NHO NGAM RI LHU?

MYIT LOM NHO ZA E MUZO NGHUT RI!

YHANG MHAU E HKYO LE NGA-NHLUNG LUMJING PYAM BE NGHUT RI.



NUNGMOQ, MUZO LUQ SHOQ A MYANG ZUI KO LHI? NUNGMOQ E GARAI GASANG LE E NOQKUQ NALI AKO NHLUNG. NUNGMOQ A LAGON RA MATU, NGAMOQ MHOQ BYI KOLE.

YEHOWA E, NANG E MYING LE LANG LUI NGO TAI E YANMAI, JE RIYHANG A GE LO DUT BYUQ BE NGHUT RI. NANG, HAI MU NGO LE SHI MA NHANG KAT E LHU?

NGO GI, YEHOWA NGHUT LHE. NANG E IWA PE NGHUT E ABRAHAM, ISAK, YAKUP PE E GARAI GASANG NGHUT LHE. NGO GI, NGA E BYU PE JAMJAU E LE MYANG MU, YHANGMOQ E NGAUHE LE WO GYO BE NGHUT LHE.

AHKUI GI, ABRAHAM LE NGO TO TO E DANGGDIQ LE LHOQ DIK RA AHKYING NGHUT MU, BYU SHI BANG LE HKANAN MAU MA SHUI LO RA NGHUT LHE. MOSHEQ NANG GI, YHANGMOQ LE SHUI-U RA SU NGHUT LHE.

NGHUT KOLHANG, NGO GI, DANG RAGO A DAT TAI. HPARA-LUQ, NGO LE LHOM GYO BYI RA A NGHUT.



DANG TAI GA RI, ARUN NGHUT LHE. NANG GI, NGA E DANG GYO MU, NGO TAI E LE YHANG LE TAI KYO AQ. SANG-HI MA, HPARA-LUQ GI, NANG E DANG LE GYO RA A NGHUT NGHUT KOLHANG, NGO ZA TENGMAN E GARAI GASANG NGHUT E HKYO LE, EGUDIQ BYU PE WO SE SHOQ. JE HKIK E LIMIK KUMLHA, NGO, YHANG LE TUNSHIT RA NGHUT LHE.



HA, HA, NUNGNHIK GI, SHI MA HAI LE DUM KUT NYI AKO LHU?

YEHOWA GI, "NGA E BYU PE LE LO NHANG AQ." GA TAI RI.



YEHOWA TAI E LIMIK KUMLHA GI, SHI NGHUT LHE.

HA-HA-HA, HAU GI, MHAU E MYOQHEQ HPAQCHYI ZA NGHUT LHE. NGO RATSUI LE A GYUQ, NGAMOQ E MYOQHEQ SARA PE E JI KEQ.

YHANG MHAU KUT E MYOQHEQ HKYO GI, GE GE SU YHANG DUT RI.

YHANG HAU LE HKAMAI MHOQ YU E LAQ, WU MALI RI?




HAN HAN LE MU,
MYOQHEQ HPAQCHYI
DONG NUNGMOQ E
DUMBANG LE
LHANGMUI MO DUT
NHANG KEQ.



LHANGMUI MO PE E,
NGAMOQ E GARAI NESET GI,
NUNGMOQ TSEHTUNG MYO
SAI RA MATU, NGAMOQ LE
NUNGMOQ CHYANG LE TAI
NHANG RI. HA, HA, HA.



MOSHEQ, AHKUI
NGA NHIK HAI KUT RA
LHU? NGA NHIK GI,
BYUGO NHIK SU DUT
BE NGHUT RI.



WU KEQ!
 YHANG E
 LHANDMUI GI,
 NGA-NHUNG E
 LHANDMUI LE
 HTIM NAU RI!



YHANG E
 LHANDMUI GI,
 NGA-NHUNG E
 RADU LE ZO
 NYI RI!




NGA-NHUNG E
 LHANDMUI BANSHOQ
 LE MYUI PYAM BE
 NGHUT RI!




GODU LE DUM ZO
 LO RI NGHU NGO LE HKA-
 TAI KYO! NGA-NHUNG E
 LHANDMUI GARAI NESET
 NHIKJUM-YO RA.



YHANG E
 LHANDMUI GI,
 NGA-NHUNG E
 LHANDMUI DU
 HKANGMO LE
 ZO PYAM BE-
 NHUNG!
 HAU HKASU GE
 DUT RA LHU?



YEHOWA GI, HPAN
 SU GARAI GASANG
 NGHUT LHE. "NGA BYU
 PE LE LO NHANG AQ."
 GA YHANG TAI RI.



HAU HKYO LE NANG HKASU KUT E, NGO A SE, NGHUT KOLHANG, NGO GI, NANG KUT MHAU E MYOQHEQ HKYO E YANMAI, NGA E JUN PE LE NHANG BYI RA A NGHUT. NGA E HI MAI HTOQ LO BYUQ KEQ!

HTOQ LO LAIKA 7:13 "HAU HKUN, GARAI GASANG GI, HAU YHUMSING TAI E EQ RAJUNG ZA, YHANGNHK E DANG A GYO BYI RA MATU, HPARA-UQ E MYIT LE LHOQ HTAN TO BYI RI."



YEHOWA GI, HPARA-UQ E MYOQHEQ SARA PE WO CHANG KUT E LIMIK KUMLHA EQ ZA, HAI MU NGANHNIK LE NHANG KAT E LAQ? RAZUP ZA E U MA ZA, NGANHNIK GI, BYUGO SU DUT BYU BE NGHUT RI.

NGO A SE, NGHUT KOLHANG, GARAI GASANG GI, HPARA-UQ E MYIT LE LHOQ HTAN TO RA GA TAI E NGHUT LHE. HAU GI, GE GE YHANG TENG RI. YHANG E LHANGMUI PE LE NGA E DUMBANG EQ ZO PYAM E HKUN, YHANG HKASU WU LO E LE NANG A MYANG LHU?

NGO GI, YEHOWA LE NYO RA JOWO HO RA DUT RI. HKASU XOQ KUT RA LE NGO A SE.

GARAI GASANG GI, MOSHEQ LE DUM HUI MU, HKASU KUT RA HKYO TAI KYO RI. YHANG E BYU PE GI, HPARA-UQ MAI YHANGMOQ LE GYAI YHANG HPOZO NHANG E YANMAI, YHANG LE A LHOM HAP YU KO; NGHUT KOLHANG, MOSHEQ GI, YHANG A SE GYO KOLHANG, GARAI GASANG LE LUMJING MU, YHANG E JINO GYO RI.



YEHOWA TAI LE, "NGA E BYU PE LE HTOQ LO NHANG RA LE, NANG HE-NGIK PYAM E YANMAI, NGO GI, TENGMAN E GARAI GASANG NGHUT E LE, NANG WO SE SHANG GAQ, EGUDUQ MING MA E WUI BANSHOQ SUI DUT BYUQ RA NGHUT LHE." GA RI.

HAU GI, GYO HKIK RI. YHANG GI, HAU LE HKASU KUT RA LHU?

NGA E MYOQHEQ SARA PE LE, E SHUI LOQ KEQ. NILE E GARAI GI, SHI HKYO LE LHOQ NO PYAM RA NGHUT LHE.



WUI KEQ. NGA E MYOQHEQ SARA PE LE HAU HKYO WO KUT LHE. NUNG NHIK E MHAU E MYOQHEQ MU EQ NGO LE WO LING YU RA A NGHUT.



NGA PYAT MA SHI SU E HKYO LE HKA-NHAM LHANG A MYANG WUI. WUIBUM EQ WUI ZO LANG LHANG GI, SUI DUT BYUQ BE NGHUT RI. YHANG TAI E GI, GARAI GASANG E MYING MAI TAI E, A NGHUT LHI?

YHANGMOQ TAI E LE HKA-NHAM LE A WO GYO WUI. HAI JUNG WA SHAI LHUM RI LHU? NGAMOQ GI, GARAI PE HKYING DONG WO LHE. NILE WULANG E GARAI GI, NHIKJUM-YO RA ZA NGHUT LHE.

HAU MOSHEQ TAI LE, YHANG E GARAI GASANG ZA GARAI NGHUT LHE GA.

GARAI GASANG RAYUQ ZA? WUIZUI ZA A NGHUT LE GI.

WUI PE SUI DUT E NYHIT NYI LAI HTANG MA, MOSHEQ GI, GARAI GASANG E JEYANG HKYO LE EGUDUQ MING MA DUM YU LE BE NGHUT RI.



WUI PE MAI, PO AJUM AYO HTOQ LO NHANG SHANG GAQ.



KYAP KYAP GA E SUI PE GI, RAZLIP ZA MA MUN SEN PO PE LE LHOQ HTOQ KAT BE NGHUT RI.



NGA E YHUM
MA PO BYING
ZAN TO RO.

EGUDUQ MING
GON MA PO BYING
ZAN TO BE. GARAI
PE NHIKJUM-YO
BEKO NHUNG!

NGA-NHUNG E
HKYANGJONG PE
GI, HKA LO BEKO.
YHANGMOQ RAJUNG
JUNG A WO KUT
KO LHU?



EHHH!



HPARA-UQ,
WU AQ, NGAMOQ
E MYOQHEQ SARA
PE LE, PO W LHOQ
HTOQ LHE.

YHANGMOQ GI, HAI MU
LUI PO LHOQ MYO JAT AKO LHU?
HAU MOSHEQ, NGA-NHUNG LE BYI
E SHAU ASHI LHU? AHKUI, HPARA-
UQ, NGA-NHUNG LE JE MYO
BYI BE NGHUT RI.

YHANGMOQ TAI E SU,
NANG, HAI MU LUI YHANGMOQ
LE YOSO SHUT A E NHANG E
LHU? SHI HTOQ LAI JANG GI,
NGAMOQ WO JAN RA SU
A GA LO.



MOSHEQ LE JI
KEQ, NGO, YHANG
LE NYO NAI RI NGHUT
TAI KYO KEQ.

NGHUT BE
YHUMSING,
NANG TAI E
SU KUT RA.



PO PE YU PYAM BYI RA MATU YEHOWA LE
DUNG AQ, YHANG YU PYAM BYI E NGHUT
JANG, NGO, NANG E BYU PE LE, YOSO MA
HKUNGGA E NHONG RA MATU NHANG
KAT RA NGHUT LHE.

NANG, PO PE LE
HKA-U SHI NHANG NAI
RI, TAI KYO AQ, HAU EQ
RAJUNG ZA DUT RA
NGHUT LHE.

NAPKYO.

NANG E DANG EQ
RAJUNG ZA DUT RA NGHUT
LHE; HAU HKUN, YEHOWA GARAI
GASANG SU DUT E GOTU GARAI A
NYI E HKYO LE, BANSHOQ BANG
SE KORA NGHUT LHE.



HPARA-LUQ GI, YHANG TAI TO E LI MA PO PE SHI BYUQ E LE MYANG JANG, YHANG E MYIT LE LHOQ HTAN MU, HEBRE BYU PE LE A HTOQ LO NHANG NGHUT RI.

NGA-NHUNG E MAU BYING SHOQ PO PE LHOQ PYING E YEHOWA SHI GI, HKASU E GARAI WA NGHUT LHE LHU?

GARAI KUT RI NGHU NANG HKADONG MAI WO MYIT RI LHU? HAU GI, YHANG BAI YHANG DUT LO E NGHUT LHE ABE E NHING.

HAU LE NHING, MOSHEQ GI, HAU HKYO DUT LO RA NGHUT LHE GA, HKASU GE TE TAI RA LHU? HAU HTOQ AGO, YHANG GI, PO PE SHI RA AHKYING HKYAK HKASU WO SE RA LHU?

OH, HKA TAI MYHING LO KO, LING WO NO NHO ZA A GA NYO.



HAU HTANG, YEHOWA GI, MOSHEQ LE, "ARUN LE TAI AQ. MYIGUNG MA E HPUILHUP GI, EGUDUQ MING GON MA HKOLHAI DUT SHANG GAQ, NANG LOQ LHAM KAT MU, MYIGUNG MA E HPUILHUP LE BAT KAT AQ." GA RI.



HAU MU, EGUDUQ MING MA E HPUILHUP GI, HKOLHAI DUT BYUQ BE NGHUT RI.


NGA NU E, MAUHKUNG E!



HAI MU NUNGMOQ HKOLHAI A WO SAI NGHU AKO LHU? YHANG E GARAI GI, NGA-NHUNG E GARAI PE HTOQ MA ATSAM BO RI GA BYU PE MYIT YU BEKO RAI NUNGMOQ WO KUT E MYOQHEQ MU BANSHOQ GI, HAU PE ZA BE.

NGHUT KOLHANG, SARA E, SHI GI, GARAI GASANG KUT E MUZO HKYAK YHANG NGHUT RI. HAU NHIK KUT E MUZO PE LE, O YUQ LHAM A WO KUT. NGAMOQ GI, ATSAM A BO BANG NGHUT BYUQ RI.

YHANG BAI BAI DUT E HKYO JOQ RA ZA NGHUT LHE; NGHUT KOLE, NGA-NHUNG GI, SHI MAI LAI LUI A SE GYO NGHUT RI. MOSHEQ LE DANG E KYO KEQ. YANG E GARAI GASANG MAI HKOLHAI YU PYAM BYI E NGHUT JANG, NGO, HEBRE BYU PE LE, YHANGMOQ E GARAI GASANG LE E DOJAU NHANG RA NGHUT LHE NGHU, YHANG LE TAI KYO KEQ.




HKOLHAI PE BYUQ BYUQ BE, NGHUT KALHANG, NGO, NGA JUN PE LE A WO LO NHANG. AHKUI, YANG E GARAI HAI WA WO KUT SHIRA LAQ?



MOSHEQ LE, GARAI GASANG DANG NYO E GI, "NGO, EGUDUQ MING MA JINGHKAM NHANG KAT RA. NUNGMOQ E YHUM PE MA JINGHKAM BYING BUM RA NGHUT LHE. NGHUT KOLHANG, HAU U LE, NGO GI, EGUDUQ BYU PE EQ HEBRE BYU PE LE GOTU TU KUT PYAM RA NGHUT LHE."

NGA E BYU PE CHYANG GI, JINGHKAM JE RA A NGHUT. HAU DONG MAI NGO GI, MINGKAGON E GARAI GASANG NGHUT E HKYO LE YUQ HKANGMO WO SE KO RA NGHUT LHE."



AWA, NGA-NHUNG E HKYANGJONG PE GI, HAIMU LUI BYU SHI BANG LE A WO LHOQ NO PYAM E LHU? YHANGMOQ E ATSAM GI, HKAMA E NGHUT AKO LAQ?

YHANGMOQ E NOQKLUQ HTUNG EQ SENG LUI HAI LE LE, NGO A SE. NGO GI, NGA E MUZO LE ZA RU MYIT NYI LHE.



HAU GI, YANG TAI E EQ RAJUNG ZA NGHUT RI. HEBRE BYU PE CHYANG GI, JINGHKAM A NYI NHUNG! SHI HKYO GI, YHANGMOQ E GARAI GASANG KUT E YANG NGHUT RA DUT RI.

MOSHEQ LE E HO KEQ.



HTOQ E MU, NUNGMOQ E GARAI GASANG LE HKLUNGA E NHONG BYI KEQ; NGHUT KOLE, EGUDUQ MAU MAI GI, HKALO BYUQ KO.

NGAMOQ GI, SUM NYI SO HKYO MA E RA DUT LHE.


NUNGMOQ WO E LHE NGHU NGO TAI BE; NGHUT KOLE, NUNGMOQ GI, GYAI WE SHOQ A GE HTOQ LO RA NGHUT LHE. AHKUI, NUNGMOQ E GARAI GASANG LE NYO MU, JINGHKAM SHI PE LE YU PYAM BYI RA MATU, YANG LE DUNG KEQ.



EGUDUQ MING GON MA JINGHKAM KYOP YANG SHI BYUQ BE NGHUT RI. MAUHO LIMIK KUMLHA YANG NGHUT RI.

ZIM ZA NYI AQ. NANG GI, BYU SHI YUQ LE LUMJING E SU HKA-NGHU MYING.

HPARA-UQ GI, YANG E IMYIT LE DUM LHOQ HTAN TO MU, BYU HAU BANG LE A HTOQ LO NHANG DUM KUT BE NGHUT RI.



GARAI GASANG GI, EGUDUQ MING MA GOTU WUM RALHUM DUM Nhang kat lui, yhangmoq e nojung, sau, nolui, myang eq gola-uq pe banshoq ma yapjeq dam dap mu, shi byu be nghut ri. Nghut kolhang, hebre byu pe e dusak ma gi, wum hau a je nghut ri.

NGAMOQ E DUSAK BANSHOQ GI, SHI BYUQ, NUNGMOQ E GI, WANGZAN TO DUT E HKYO LE, NUNGMOQ HKASU TAI SAN KYO KO RA LHU?

HAI GI, NGAMOQ E IWA PE E GARAI GASANG MAI, NGAMOQ LE JUN PYAT MAI LE HKYI YU E NGHUT LHE GA MOSHEQ TAI RI, NGO KUM GI, MAYU BYU ZA NGHUT LHE. HAI HKYO EQ SENG LUI, HAI A SE.

NGAMOQ EHKYANGJONG PE GI, NGAMOQ E GARAI PE LE SHIGU HKUNGGA DUN BYI BE. NGAMOQ E YUNG LHO E NOHTO ZO NHIKJUM-YO MU, HAI HKYO LE LHOQ NO PYAM RA NGHUT LHE.



HAI HKYO GYAI HTANG GYO BE NGHU HPARA-UQ LE TAI KYO KEQ. NGA-NHUNG E YUNG LHO E NOHTO ZO BANSHOQ SHI BYUQ BE. NGA-NHUNG E GARAI PE GI, SHI HEBRE PE E GARAI GASANG E WUM MAI BYU PE LE A WO MAGUM YU E LE, BYU PE SE KO JANG, YHANGMOQ NHIKJUM-YO KO RA NGHUT LHE.

EGUDUQ BYU PE E GARAI PE GI, HKA LO BYUQ BEKO LHU? YHANGMOQ GI, ATSAM A BO LO KO LHU?

NGHUT KOLHANG, HPARA-UQ GI, YHANG E IMYIT LE LHOQ HTAN TO RI.



GARAI GASANG GI, MOSHEQ LE DANG DUM NYO MU, BYING MO YUQ RA MATU, MYUQ EQ EGLUDUQ BYU PE HTOQ MA MYIWAPE HPYLIN KAT AQ GA YHANG LE TAI RI.

NANG GI, "NGA E BYU PE LE HTOQ LO NHANG RA A NGHUT E YANMAI, NGO GI, NUNGMQ EQ NUNGMQ E DUSAK PE HTOQ MA JAMJAU DIK E BYING MO YUQ NHANG RA NGHUT LHE." GA GARAI GASANG TAI RI.

OH, NGA NU E, DUM NGHUT BE O.



MYOQHEQ SARA PE LE E JI KEQ. YHANGMOQ E ATSAM PE BANSHOQ TSING YU KEQ NGHUT TAI KYO KEQ. GARAI PE LE HKUNGGA NHONG BYI KEQ. SHI HKYO LE LHOQ ZIM PYAM NHANG KEQ.



JE HKYIK SU LE NUNGMQ E JI BEKO LHU?

NUNGMQ LE BYING MO YUQ AKO LHU? SHI MOSHEQ E GARAI LE LUNG RA ATSAM, NUNGMQ A WO KO LHU?



ATSAM LE A BO E BYU MHAU JUM NUNGMQ, NGA CHYANG MAI HTOQ LO BYUQ KEQ. NUNGMQ GI, MHAU E MYOQHEQ KUT KOMU, BYU PE LE LHOQ NHA E BANG NGHUT AKO; NGHUT KOLE, NUNGMQ MHAU ZO BANG NGHUT E LE, NGO SE LHE. NUNGMQ E GARAI PE GI, HKAMA LHU?



NAPSLIN NOQ LE TOQ MU, HPARA-LUQ E HI MA YAP LUI, TAI E GI, "HEBRE BYU PE E GARAI GASANG TAI LE, NGA E BYU PE LE HTOQ LO NHANG AQ. HKASU MU GA LE, DUM JE RA WUM GI, JE RIYHANG WUHKHE E NGHUT LHE. HAU GI, NANG E BYU MYO MYO SAT HUI E HTEN BYOQ HKYO NGHUT RA. SHI LHUM MAI, NANG GI, NGO SU E GARAI A NYI LO E LE, SE RA NGHUT LHE. NGO GI, NANG LE HPARA-LUQ DIT NHANG E SU NGHUT E LE, NANG A SE GYO NGHUT RI. WU AQ, NANG MYIT HTAN MU, NGA E BYU PE LE A HTOQ LO NHANG RA NGHUT E LE, NGA SE LHE.

NANG MYIT HTAN E HKYO GI, NGA E ATSAM LE TUN SHIT RA HKYO DONG E EQ, NGA E BYU PE LE ASHOP DIK E DONG KUT E EGLUDUQ BYU PE LE JEYANG RA HKYO DONG E NGHUT RI. NANG GI, NANG O NAU E LE ZA LHOQ TOQ MU, NGO O NAU E HKYO LE LHOM HE-NGIK PYAM BE NGHUT E YANMAI, MYIDAM HTOQ MA HKA-NHAM LE A MYANG WU E LIKWO EQ MYI, NAPKYO SHI U LE NHANG KAT RA NGHUT LHE." GA RI." GA TAI RI.

"YUQ HKANGMO GI, YHUMSING GUNG EQ SHIGU WOQ WAQ PE LE YHUMHKAU MA WO NYI TO RA MATU, NANG, YHANGMOQ LE SIDIQ WO BYI SHANG GAQ NGHUT, NGO, NANG LE TAI KYO E NGHUT LHE. HAI MU GA LE, SHINGAN MA NYI E LHUNGLHANG GI, SHI BYUQ RA NGHUT LHE."



YEHOWA GARAI
TAI E EQ
RAJUNG ZA DUT
SHANG GAQ.



SIDIQ BYI E LE HAI SU A NGAM MU,
SHINGGAN MA NYI TO E BANG GI,
SHI BYUQ BEKO NGHUT RI.

MYI EQ
LIKWO NYO
MA E GI, HKA
DONG WA DUT
LO E NGHUT
LHE LHU?

ATSAM BO DIK
SU SET GARAI
E, NGAMOQ LE
HKYI YU LAQ.


AKA-RHOOOO...



AWA, HAU MOSHEQ GA
SU BYU GI, SHI HKYO LE HKASU
KUT E LHA? YHANG E GARAI GI,
LAIDLIN MO PE E YHUMSING
SET GARAI HTOQ ATSAM BO
LHE ABE LHI?

GARAI GI,
RAYUQ ZA NYI E
NGHUT LHU, HEBRE
BYU PE GI, GARAI
HAU E YHANGZO PE
NGHUT LHE GA
YHANG TAI RI.

NGHUT KOLHANG, YHANG
E GARAI LE, O YUQ LE A LHAQ MYANG
WU, HEBRE BYU PE E GARAI LE LE, O YUQ
A LHAQ MYANG WU E NGHUT LHE. YHANG
E GARAI GA YHANG TAI E SU GI, WOINYI
ZA NGHUT MU, YHANGMOQ LE YOSO MA
E NOQKLUQ NHANG RA MATU, HPARA-UQ
LE LHOQ PUN NYI SU NGHUT RI.



OH, LAIDLIN MO PE E
YHUMSING, ATSAM BO DIK SU SET
GARAI E, NGAMOQ NANG LE CHOM DUNG
TONGBAN LHE; WUIHKE DIK E LIKWO WUM
MO SHI LE LHOQ NO PYAM BYI LAQ.
NANG GI, MOSHEQ E, A BYU MYANG E
GARAI HTOQ HKYAK HKIK SU NGHUT
RA NGHUT LHE.




NGA-NHLUNG CHYANG A JE LO, EGUDUQ BYU PE CHYANG ZA JE RI.

AWA E, NGO GYUQ RI. MYI EQ LIKWO GI, NGA-NHLUNG CHYANG LE WO GYUN RA LHU?

NGAZO E, A WO GYUN; YEHOWA GI, EGUDUQ BYU PE YHANG E JINO A GYO KO E YANMAI, DAM BYI NYI E RU NGHUT LHE. YHANG GI, YHANGMOQ E LAIDUN MO E GARAI, YHANGMOQ LE GARUM RA ATSAM A BO SU NGHUT E HKYO LE TUN SHIT NYI E RU NGHUT RI.


SHI GI, GYUQ NAN HPO YHANG NGHUT RI.



NGO GI, YEHOWA LE MARA KUT SHUT BE NGHUT RI. HEBRE BYU PE E GARAI GASANG GI, DINGMAN SU NGHUT RI, NGO EQ NGA E BYU PE GI, ASHOP E BANG NGHUT LHE. HAU MYI EQ LIKWO NO BYUQ NHANG RA MATU, YEHOWA LE DUNG KEQ; NGO, NUNGMOQ E BYU PE LE RADA DAM HTOQ LO NHANG RA.

MYUQ MAI HTOQ EQ, NGO, NGA E LOQ TU RA, HAU HKUN, WUM NO BYU RA NGHUT LHE. HAU HKYO MAI, MYIDAM HTOQ GI, YEHOWA EQ SENG E HKYO LE, NANG WO SE RA; NGHUT KOLE, NANG GI, NANG E DANGGIDIQ LE CHANG RA A NGHUT. NANG GI, GARAI GASANG LE GYUQ HKUNGGA SHIRA A NGHUT.

HPARA-LUQ GI, LIKWO WUM BYUQ BYUQ BE LE MYANG JANG, YHANG E IMYIT LE JE RIYHANG LHOQ HTAN MU, MARA KUT SHUT RI. YHANG GI, BYU HAU BANG LE A HTOQ LO NHANG SHI NGHUT RI.



GARAI GASANG GI, GOTU WUM DUM NHANG KAT RI. DINGGAM GI, LIKWO WUM EQ A LHOQ HTEN E MHAN-HAQ HPOQNOQ BANSHOQ LE ZO PYAM BYI RI. HAU HTANG, YHANGMOQ GI, YHUM PE MA E ZOSHUQ LE ZO PYAM BYI RI.



ANU E,
ANU E.

IHHH...!

HAI YU
PYAM
AQ!



MHAN-HAQ HPOQNOQ
E GARAI GEP E, NGAMOQ E
HOWA ZO LE HEBRE BYU PE E
GARAI EQ HAI KLIT NYI E LE,
NANG A MYANG BYI LHU?


OSIRI GARAI E,
NANG, WUM BO E
HKYO LE HKU-NYI
TUN SHIT LAQ.

HPARA-UQ GI, MOSHEQ LE JI YU MU, BYU PE LE
HTOQ LO NHANG RA DANGGIDIQ BYI RI; NGHUT
KOLHANG, DINGGAM LE GARAI GASANG YU PYAM
BE LE MYANG JANG, YHANG GI, YHANG E IMYIT
LE DUM LHOQ HTAN TO MU, JUN PE LE A KAM
NHANG KAT NAU LO DUT BE NGHUT RI.

HAU HTANG, GARAI GASANG GI, EGUDUQ MING GON MA MAU TUQ TUQ CHUT NHANG RI. SUM NYI YHANG MAU TUQ TUQ CHUT TO RI, NGHUT KOLHANG, HEBRE BYU PE E YHUM PE MA GI, MYOQMYANG TO RI.



AHKUI, NGO GI, NUNGMOQ LE WO SAT PYAM LHE; NGHUT KOLHANG, HAU SU KUT JANG, NGAMOQ E GARAI PE GI, NUNGMOQ E GARAI LE UNG RA ATSAM A BO E HKYO SHIT E DUT RI.



NGA E MYOQ HI MAI HTOQ LO BYUQ KEQ. NGO GI, NUNGNIHK E MYOQDONG LE HKA-NHAM LE A MYANG NAU LO; MYANG E HKUN GI, NUNGNIHK SHI KO RA NGHUT LHE.

NANG GI, TENG E DANG RAHKUN TAI BE NGHUT RI. NGA-NHUNG GI, HKA-NHAM LE DUM MYANG LHUM RA A NGHUT LO.



HKYIK DIK E BUI GARAI RA E, NGAMOQ LE GYO BYI LAQ. HAI MU GA LE, NANG GI, SUM NYI YHANG NGAMOQ CHYANG MAI HAQ BYUQ BE NGHUT RI. NANG GI, SHI HEBRE BYU PE E GARAI LE, A UNG LHU?



SHI GU NGHUT BE! LO HTANG MA, HPARA-UQ GI, NGA-NHUNG EGUDUQ MING MAI HTOQ LO E LE GABU RA NGHUT LHE. HKU-MYIN GUNGAM LE, BYU SAT SU GI, EGUDUQ MAU MAI LAI LO RA. YHUM HKANGMO MA E YUQZO LAGAM GI, SHI BYUQ KO RA NGHUT LHE. GARAI GASANG GI, HKU-MYIN, MARA DAM BYI RA NGHUT LHE.

NGHUT KOLHANG, NGA-NHUNG E ZOMUN GI, HKASU LHU? YHANGMOQ LE SHI RA LHU?

GARAI GASANG GI, EGUDUQ BYU PE MAI HKOT LUMJING BANG BANSHOQ LE HKYI YU HKYO HTONG BYI RA NGHUT LHE. AHKUI, SAU LO ZO LE E YU MU, HKU-MYINHTANG SAT LUI, SAU ZO E SUI LE HKUM I YAM EQ HKUM-U MA BUT TO KEQ.

YEHOWA TAI E GI, "NGO, HKU-MYIN LAI LO MU, YUQZO LAGAM BANSHOQ LE SAT RA; NGHUT KOLE, HKUM YAM MA SUI BUT TO E LE MYANG JANG, NGO HAU YHUM MAI LAI LO MU, HAU YHUM MA E YUQZO LAGAM GI, SHI RA A NGHUT. HKU-MYIN GI, YHUMHKALU MA LUNG TO MU, NUNGMOQ SAT E ZAUZO SHO LE ZO KEQ." GA RI.



NUNGMQ E YHUMSING WUI EGUDUQ BYU PE CHYANG E MU, HPAUDAP JUNG, NGUN, HING ZE PE E CHYI YUQ KEQ. GARAI GASANG GI, YHANGMOQ E MYIT LE LHOQ NYHOM TO BE NGHUT RI. YHANGMOQ GI, LAI LAI AGUN AGO BYI KAT KO RA NGHUT LHE.

NUNGMQ E ZE PE LE MON TO MU, NAPMA KYO HTOQ LO RA RI RI HEN TO KEQ. NUNGMQ SHI MA DUM TAU LO RA A NGHUT LO. HAU GI, EGUDUQ BYU PE EQ AHTUM ABYUQ GANG BE HKYO NGHUT LHE. NAPKYO GI, NUNGMQ E MATU SANG-HI NYI DUT RA NGHUT LHE.



AWA E, NGAHPE WUI GI, SAUZO SHI ZA WO LHE MHAI, HKUM YAM BUT NHE RA MATU ZA A KUT PYAM LE, A GE LHU?

NGA ZO E, SAUZO LE SAT MU, HAU E SUI LE HKUM YAM MA BUT KEQ GA GARAI GASANG TAI E NGHUT LHE. NGAHPE WUI GI, YHANG TAI E EQ RAJUNG ZA A KUT A GE E NGHUT LHE. YHANG E JINO A GYO E BANG LE, YHANG HKASU KUT DAM BYI E HKYO LE NANG MYANG BE NGHUT LHE. SAUZO SHI GI, NANG SHI RA NGHUT E MAI NANG LE HKYI YU E NGHUT LHE.



HA LE, SAUZO SHI GI, NGA E GUNGLIK DONG SHI RA LHU?

NGA E MATU LE NGHUT LHE. HAI MU GA LE, NGO LE YUQZO LAGAM NGHUT LHE.



ANU E, AWA GI, HAI MU HKUM MA SUI BUT NYI LHE LHA?

YEHOWA GARAI TAI LE, "HKUM MA SUI DAP E LE MYANG JANG, NUNGMQ NGO LE LUMJING E HKYO LE, NGO SE LUI, YHUMHKAU HAU MA NYI E O YUQ LE LE, NGO A SAT RA NGHUT LHE." GA RI.



NANG E HKUM MA SUI BUT RA LHE WA, NANG, HAI MU SAUZO LE A SAT E LHU?

HA, NANG GI, A NGHUT A JOQ TAI E BANG BANSHOQ LE LUMJING LHE A NGHUT LHI? HKUM YAM MA E SUI RATSUI ZO EQ WA, JE LO RA SHI-NO HKYO LE HKASU WO LHOQ NO PYAM RA LHU? NGA ZO GI, A GYUQ. A NGHUT LUQ, JOIKIM?

SHEQ RU NGHUT EQ O. NGO LE GI, SINGKYI A BO E BYU SU NGAM RI LHU? NOQKLUQ HTUNG GI, WUM NYHOM BANG E MATU ZA NGHUT RI.

GE E GARAI GI, HKUM YAM MA SUI RATSUI ZO A BUN BUT BANG LE SAT RA A NGHUT. LHANG A WO GYO BANG LE GI, HKASU NGHU TAI RA LHU?



AWA E, HKUMYIN GI, HAI MU LAKLAI LHE LHA?

HAI MU GA LE, HKUMYIN, GARAI GASANG GI, YHANG LE A LUMJING E YUQZO LAGAM BANSHOQ LE SAT RA SU NHANG KAT RA NGHUT LHE. NGHUT KOLHANG, YHANG GI, SUI LE MYANG JANG, HAU YHUM LE LHAI TO RA NGHUT LHE.

HAU GI, NGA-NHUNG E MATU BUINYIHI E NGHUT BE. ZAN WUI SHI U MA, NGA-NHUNG GI, LHOQ LHAI POI SHI LE KUT MU, HPARA-UQ E LOQ MAI NGA-NHUNG LE GARAI GASANG HKYI HTOQ YU E HKYO LE MYITBUN RA NGHUT LHE.

HEBRE MYING MA 'PASHKA' GA E GI, 'LAI LO' GA E LICHYUM NGHUT LHE.



OH AWA, KYEK NGAU MYHING E LE, GYO WU AQ!

HKAGYUQ. NGA-NHUNG GI, GARAI GASANG E JINO GYO BANG NGHUT LHE. HAU HKUM YAM MA SUI DAP TO LHE. NGA-NHUNG GI, SAUZO SHO ZO NYI LHE.



NGA ZO SHI BU-NHUNG! GARAI GASANG E, GARUM YU LAQ. MOSHEQ LE WUT KEQ O!



HKASU A DAT KUT LO, GYAI
YHANG HTANG GYO BE. NUNGMOQ
LE SIDIQ BYI BE NGHUT LHE; NGHUT
KOLE, NUNGMOQ A LUMJING KO
NGHUT RI. HKU-MYIN MYO MYO SHI
BYUQ RA LE, NGO MYIT CHIQ RI.



GOIEEEE!

MAUHKUNG
EEEE!

GARAI
GASANG E!
NGA ZO A SHI
SHANG O!

HAI MYIN, BYU SAT SU MYUQ HAU MAI LAI
LO LE, HKYING MUN SHI BYUQ BE NGHUT RI.
LUMJING MU, YHANGMOQ E HKUM YAM MA
SUI BUT TO E BANG ZA WO LUT BEKO.



NGANHIK
YHANGZO
SHI BE O!

HAN KEQ,
MOSHEQ LE
AHKUI YHANG E
SHUI LO KEQ.



YHANG OI,
HAU YHUM MA
E YUQZO
LAGAM NGHUT
RO!

HAI DUT
BE HTA?

IKKKKK.




HPARA-LUQ GI,
MOSHEQ LE
DUM JI YU RI.



NGHUT KOLHANG, HPARA-LUQ
GI, MOSHEQ E MYOQDONG
LE A TU WU NGHUT RI.

NGO MARA SHUT
BE. JEJU MAI, HEBRE
BYU BANSHOQ LE NANG EQ
RAHA EGUDUQ MING MAI SHUI
HTOQ LO BYUQ LAQ. NANG E
GARAI GASANG YEHOWA LE
NGO A UNG JAN LO NGHUT
RI. NANG A HTOQ LO SHIMA,
NGO LE SHIMAN BYI TO
HKO LAQ.



YHANGMOQ E ICHYI IWA PE LE, GARAI GASANG
DANGGIDIQ BYI TO E EQ RAJUNG, YHANGMOQ GI,
MYISHO ZAN LAI HTANG MA EGUDUQ MING MAI
HTOQ LO BEKO NGHUT RI. HAU EGUDUQ BYU PE GI,
HEBRE BYU PE LE, NGUN HING ZE EQ ZOSHUQ PE,
YHANGMOQ O NAU E BANSHOQ EQ WO WAQ E MYO
BYI KAT AKO. HAU GI, HEBRE BYU PE E ZODU WUI
MATU GABU DIK E AHKYING NGHUT RI; HAU GI, BYU
MYU SIK E MATU SANG-HI NYI NGHUT RI.

YUQGE 600,000 EQ MYIWE
WUI ZOSHANG WUI GI,
DANGGIDIQ BYI TO E MAU
SHUT EGUDUQ MING MAI
HTOQ E LO BEKO NGHUT RI.

GARAI GASANG GI, NYI LE MHUT EQ
BLISHUM BYI MU, MYIN LE MYIZING
EQ MYOQ MYANG NHANG RI.